

Gauhgauj gvaq le, youq ndaw ranz mbwq lai, sawqmw siengj bae hag haici, gauj aeu gyasijcwng.

Bae bauqmingz le, gyaulen heuh gou youq gwnz soujgih coux roengz “Hagci Baez Diemj Doeng” yenjgen, daengq naeuz neix dwg gij neiyungz gaujsi gohmuz daih’it, cungj dwg dennauj dapdae, gauj habgek le cij ndaej bae hag haici.

Gou ngaemgyaeuj yawj loengh soujgih, song cien diuz daezmoeg ngoenz ndeu yawj gvaq doh, geiq-maenh ndaw uk. Mwh bae gaujsi, gou daih’iek yungh saek cib faencung couh dapdae sat lo. “Habgek!” Gauj di neix doiq doengh boux ngamq camgya gauhgauj gvaq haenx daeuj gangj, lumj lwgnyez guhcaemz nei.

Hainduj hag haici, gou din fwngz gyaenggywet, mbouj gamj luenh-doengh, gyaulen heuh baenzlawz couh baenzlawz, mbouj gamj euq saekdi.

“Yaengyaeng caij di lizhoz, haici byaij menh di, gou son mwngz ‘dauj ci haeuj guq’.”

Hag haici hoj lai, caenh “dauj ci haeuj guq” gou couh lienh le haj ngoenz. Ciepdkw “caek fueng’vih dingzci” “roengoz haici” “roensoh cienjvan” “dinghdiemj dingzci” “buenqlingq haidoengh” geij aen hanghmoeg, gou lienh le ngeihcib geij

Bae Hag Haici

学车

□ Cungh Yizsiu / 钟毓秀

ngoenz, ngoenz ndit ngoenz fwn cungj mbouj yiet gvaq.

Ngoenz bae gauj gohmuz daih-ngeih haenx, ndaw sim gou youh angq youh yiep, angq dwg ndaej hwnj gaujczangz bae genjyez gou hag haici hag ndaej baenzlawz yiengh, yiep dwg gag lau gauj mbouj ndaej……

Ndaw gaujczangz, baez boux baez boux haeujbae gauj, caengz lwnz daengz gou, gou naengh youq ndaw daihding caj, caenhliengh cuengq-soeng simcingz, hoeng cix naengh mbouj onj, sim diuqbubbub, lienz cwzsoj hix mbouj gamj bae, lau daengz gou bae gauj cix mbouj rox.

Daengz gou haeujbae gauj lo, gou bin hwnj ci, diuz ndei aen’ eij caeuq gaiq gingqciuqlaeng, daep ndei daiq-anhczenz, hwnjfeiz, cuengq soujsaz, hwnjdangj. Aen hanghmoeg gaujsi daih’it dwg “dauj ci haeuj guq”. Gou hai aen ci menhmenh daujlaeng,

roxnyinh aen ci gaenq dauj daengz giz hab daj fanghyangbanz lo, gou fwt baenq aen fanghyangbanz, fwngz cungj okhanh liux. Lij ndei, aen ci menhmenh dauj haeuj “cehgu” bae ngamjngamj habhab. O, mbaiq mbwn mbaiq dei! Ciep roengzdaeuj geij aen hanghmoeg gou hix gauj ndaej swnhswnh leihleih, yaepyet couh daengz aen hanghmoeg cei q doeksat. Aiq dwg gou daekeiq fwngfwng gvaqbouh, youq aen hanghmoeg “dinghdiemj dingzci, buenqlingq haidoengh” neix, gou mbouj dingz ci couh cigciep hai hwnjbae, dingz ci.

“Liz biensienq mauh 50 goeng-faen, mbouj habgek. Cingj haici dauqbae diegnduj.” Gou vuenglueh lo, haici dauqbae gingqyienz deng daifeiz song baez.

Mbat daihngaih, gou simcingz engqgya gaenjcieng, youq mwh “dauj ci haeuj guq” couh gyanx sienq lo.

Gou gig nanzgvaq. Bonjlaiz gisuz gou wnggai gvaq ndaej bae lo, vihmaz gauj baenz yienghneix? Gou nyapnyuk

lailai.

Dauqcungz bae lienh haici.

Gvaq caenh he, mwh caiq baez bae gauj, gou geij aen hanghmoeg codaeuz cungj gauj ndaej gig ndei, doeklaeng youh daengz “buenqlingq haidoengh” lo. Gou dingz ci roengz-daeuj sup gaemz heiq raezrangh gonq, caiq haici hwnj lingq. Aen ci menhmenh hwnj lingq bae, gou siujsim sisi, baez yawjraen diuz sienq henj, doengzseiz caij lizhoz caeuq sabci. Ci dingz youq buenq lingq, gou sikhaek rag hwnj soujsaz youh cuengq roengz-bae, raen mbouj miz maz sing daezsingj, couh yaengyaeng diem hwnj lizhoz, caijsoq mbouj deng daifeiz. Caj aen ci hwnj daengz dingjlingq, miz sing naeuz “baez gaujsi neix habgek”, gohmuz daihngaih gou couh yienghneix gvaq lo.

Gauj haici caeuq gauhgauj mbouj doxdoengz, gauhgauj ndaej baengh faensoq sangdaemq genj yozyau, hoeng gauj gyasijcwng mbouj ndaej, caenh miz habgek caeuq mbouj habgek song cungj, baez mbouj haeujsim, couh cengca baen cien leix.

Seiz daihhag haihag yied daeuj yied gyawj lo, gou lij ciuqgaeuq ngoenzngoenz saenqsim cibcuk bae lienh haici, ceng’aeu youq haihag gaxgonq gauj gvaq lingx daengz gyasijcwng, bwh ndei diuz loh daengzcog byaij haeuj sevei.

Dingjmaenh Riengz Dangj Byaij

坚定跟党走

□ Loz Ginhhungz / 罗金宏

Cungguek Gungcanjdangj,
Gangj vah coenz baenz coenz,
Aeu fugsah guh bonj,
Gyonj ndaej lwgminz gyaenz.

Hengz gaijgwz haihlangh,
Hanghhangh cungj guh baenz,
Lwgminz da ndaej raen,
Caensim gyaenz aendangj.

Cingcinj bae fuzbinz,
Dwkhangz ndaej duet hoj,
Vix ndei bangbouj loh,
Hohhoh ndaej fanndang.

Mboengqneix raeuz gwnzbiengz,
Yienghyiengh yienj mwnhoengh,
Ndawsingz daeng engq rongh,
Lajmbanj doengh demsou.

Guh ndaej baenz siujgangh,
Baengh dangj lai yinghmingz,
Raeuz lwgminz gietdingh,
Dingjmaenh riengz dangj byaij.



•Sawcuenhraz Lwgnyez•

Bae ndaw fangzhwnz ra ba, youq fangzhwnz ndawde Siu Cuh cij duh bonjfaenh, rog loq dwg mehyah Ah Gwnh!

Doenghbaez, de baez ninz youq gwnz congz couh rox fangzhwnz, dandan ngoenzneix mbouj ndaej, meglwed goekrumz baez diuq baez diuq, lumjnaeuz miz song duz daek youq ndaw uk de dikdaebdaeb, daengx gyaueuj lumj gwq bienq bongq, bienq gvangq, laep lwgda lij yawj ndaej raen dangqnaj miz fouzsoq aen gvaengx caeuq gaiq soiq, baenq bae baenq dauq, song yiengh neix lumj cungj aeu geuh hai buengzda de nei, yaek daj ndaw lwgda de roemx haeuj ndaw ukgyaeuj bae.

Ah Gwnh ced vunz haenx, dwg



Doek fwn le, gij gingjsaek Sahgyangh Huzdungdenh
lumj fuk veh gyaendei he.

Gunj Yizcungh ingj

Gij Golwgnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

gij fukheiq ciuh lawz yo roengzdaeuj ne? Seiz iq bohme de couh gig mbenj de, lumj aen dijbauj nei, ndaej sam bi le lij caengz gekcij, ndigah gangj vah lumj mehmbwk, mbouj miz saekdi yiengh bousai, engq mbouj aeu gangj mbei iq lumj duznou lo, dingqnyi byajraez couh rox daej heuh daxmeh.

Bihaenx de ndaej 15 bi, Lungz Byauh caeuq de daengz ndaw dah bae youzraemx, duz byalae daj henz ndang de youz gvaq, de couh haep ndaej daengx ndang saenzdwdwd, ca mbouj geijlai couh caem roengz laj raemx bae. Danghnaeuz mbouj dwg Lungz Byauh rag de baez he, couh mbouj

dwg gwn geij gaemz raemx ndwi lo, doeklaeng caezgya gwq dawz gienh saeh neix daeuj riu de, de lij euq naeuz dwg bungz duz ngwzboengz ne! Couhsuenq seizde yawj loek lo, yawj duz byalae baenz duz ngwzboengz, hix mbouj aeu lau ndaej daengx ndang unqnemnem ba!

(caengz sat)